



BILTEN

br. 13

Maj 2015.

Redžeb / Ša'ban 1436.h.g.

يَأَيُّهَا الَّذِينَ آمَنُوا كُلُّ بَاعْلَمٍ كُمُّ الْصِيَامِ كَمَا كُلِّبَ عَلَى
الَّذِينَ مِنْ قَبْلِكُمْ لَعَلَّكُمْ تَنَقَّوْنَ



"O vjernici, propisuje vam se post, kao što je bio propisan onima prije vas, da biste bili bogobojažni."(El-Bekare: 183)



DOVA POSLIJEIFTARA: "Allahumme leke sumtu, ve bike amentu, ve ala rizkike eftartu." - "Moj Gospodaru, u Tvoje ime sam postio, u Tebe vjerujem, i iftarim se onim cime si me Ti opskrbio".

Iz Švedske na hadž sa IZBUŠ-om

Prijava za odlazak na
hadž iz
Švedske do
10.06.2015.god.
41.000 SEK



www.izb.se

Potražite nas i na facebook-u
Islamska zajednica Bošnjaka u
Švedskoj

SADRŽAJ

- Impresum
- Uvodnik

Aktivnosti IZBUŠ-a

- Seminar imama
- Hadž 2015

Džematske aktivnosti

- Helsingborg: Veče Kur'ana i završetak mektebske godine
- Džemat Štokholm: Odobrena pomoć od SST-a
- Džemat Štokholm: Mevlud i Dan bijelih Traka
- Džemat Trelleborg: Otvoreno muslimansko mezarje
- BKC : druženje sa hafizom Bugarijem
- Džemat Borås: Završetak mektebske godine
- Džemat Malme: Dan bijelih traka
- Džemat Trollhättan: Završetak mektebske godine
- Džemat Halmstad: Završetak mekteba i mevlud povodom mubarek noći


POZIV NA SARADNUJU

Oglasite se i Vi u Biltenu IZB u Švedskoj!

Javite nam se sa vašim tekstom, prijedlogom, primjedbom i sugestijom.

e-mail: bilten@izb.se

www.izb.se



BILTEN

Informativno glasilo

Islamske zajednice Bošnjaka u Švedskoj

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Nezir-ef. Špiodić
Smajo-ef. Šahat
Elvedin-ef. Bešlija

SARADNICI U OVOM BROJU:

Jasmin Dervišević, sekretar
Merzuk ef. Hadžirušidović, Stockholm
Tarik ef. Buza, Trollhättan

Uvodnik



U sedmici koja je iza nas obilježili smo jedan od najtužnijih dana u povijesti Bošnjaka. Prisjetili smo se događaja za koji smo mislili da nakon drugog svjetskog rata nije moguće da se nešto tako desi. A desilo se da su 1992. srpske vlasti u Prijedoru natjerale nesrpsko stanovništvo da stavi bijele trake na ruke, a bijele zastave na kuće i tako sve nesrbe ostavile na milost i nemilost razuralenih vojnih i paravojinih srpskih formacija.

U narednom periodu prisjetit ćemo se i još stravičnijeg zločina – genocida u Srebrenici.

Ovdje, međutim, ne želim pisati o žrtvama i stradanju. O tome pišemo u drugim tekstovima ovog Biltena. Ovdje se želim osvrnuti na poruku koju je našim ljudima uputio Jasenko Selimović na manifestaciji u Malmeu.

Pohvalivši inicijativu za obilježavanje događaja iz prošlosti, Jasenko je poručio da samo to neće obezbijediti našu bolju budućnost. Bolju budućnost i sebi, a i našoj Domovini obezbijedit ćemo ako svako od nas uradi ono za šta je zadužen. A mi smo upravo skloni baviti se tuđim poslovima, a za vlastiti nerad tražiti krivca u drugima. Posebno su naši političari „uspješni“ u tome. Uvijek je neko drugi KRIV...

Riječ koju je u svom obraćanju u Malmeu Jasenko Selimović najviše puta ponovio bila je ZAJEDNO.

Govoreći o izvanrednoj integraciji naših ljudi u švedsko društvo, te individualnim uspjesima, Jasenko je istakao da, nažalost, ove individualne uspjehe ne prati naša organiziranost, odnosno, zajednički rad. A ključ uspjeha u ovom vremenu je zajednički nastup, kako na mikro, tako i na makro planu.

Uz preporuku da poslušamo ove Jasenkove poruke, prilika je ovo da se ovom čovjeku zahvalimo za sve što čini za naš narod i državu i čestitamo za ulazak u Evropski parlament, u nadi i uvjerenju da će i tamo sve učiniti da put naše Domovine do EU bude što kraći.

P.S.

Bliži se ramazan. Dovim Allahu, dž.š., da ga u zdravlju dočekamo, dobro pripremljeni da iskoristimo sve blagodati sa kojim dolazi.

Idriz-ef. Karaman

www.izb.se

U Gislavedu održan seminar za imame i skupština Udruženja ilmijje Islamske zajednice Bošnjaka u Švedskoj

U gradu Gislaved 18. i 19. maja 2015. godine održan je seminar za imame Islamske zajednice Bošnjaka u Švedskoj. Seminaru su prisustvovali gotovo svi imami, a poseban gost iz Bosne i Hercegovine bio je hafiz dr. Kenan Musić, viši asistent na

Glavna tema seminara bila je unaprjeđenje mektebske nastave.

O ulozi imama u organizaciji mektebske nastave prvo je govorio hafiz dr. Kenan Musić, a onda su imami Almedin-ef. Spahić i Smajo-ef. Šahat predstavili prijedlog jedinstvenog plana i programa MN na nivou IZBUŠ. Almedin-ef. je predstavio digitalni dnevnik, a imami Nezir-ef. Špodić i Elvedin-ef. Bešlija pitanja za takmičenje polaznika MN.

Drugi dio seminara posvećen je organizaciji aktivnosti u toku mjeseca ramazana. Nakon izvanrednih referata i veoma sadržajne diskusije usvojeni su sljedeći zaključci:

- Imami su dužni da odmah dostave izvještaj o radu mektebske nastave
- Preporučuje se da na nivou džemata radne grupe za mektebsku nastavu izvrše analizu rada MN u protekloj godini
- Početak MN za narednu godinu je 6. septembar 2105., a završetak 1. maja 2016.
- Mektebsko takmičenje na nivou IZBUŠ održat će se u oktobru 2015.
- Prijedloge i sugestije na predloženi Plan i program MN, digitalni dnevnik, te pitanja za mektebsko takmičenje imami treba da dostave do kraja ramazana, nakon čega će radne grupe sačiniti konačni tekst predloženih dokumenata



Nakon završetka radnog dijela seminara održana je tribina u džematu.

Drugi dan seminara održana je Skupština Udruženja ilmijje IZBUŠ.

Za predsjednika je ponovo izabran Nezir-ef. Špodić, a u Upravni odbor: hafiz Jusuf-ef. Horozović, Smajo-ef. Šahat, Elvedin-ef. Bešlija i Alen-ef. Delić.

Po običaju, odličan domaćin ovog dvodnevnog skupa bio je Džemat Gislaved.

I.K.



Prijava za odlazak na hadž iz Švedske

Ovim obavještavmo zainteresirane kandidate za hadž da je Islamska zajednica Bošnjaka u Švedskoj potpisala ugovor za organizaciju hadža sa agencijom El Kiram Internacional iz Beča.

Na osnovu ovog ugovora dobili smo veći broj mjesta, a rok za prijavu je produžen.

Polazak na hadž je, ako Bog da, 15. ili 16. septembra, a povratak 7. ili 8. oktobra 2015.



Podsjećamo da je za dobijanje vize potrebno pribaviti sljedeće dokumente:

- Pasoš koji važi još najmanje 6 mjeseci. Ukoliko pasoš nije švedski, potrebna je boravišna dozvola koja, također, važi još najmanje 6 mjeseci.
- Personbevis na engleskom jeziku
- Četiri fotografije pasoškog formata sa svjetlom pozadinom
- Žuti karton za vakcinu protiv meningitisa
- Popunjena i potpisana formular za prijavu za hadž
- Za žene mlađe od 45 godine, ukoliko im je mahrem (pratilac) muž, potrebno je dostaviti vjenčani list na engleskom jeziku, a ako je mahrem otac, brat ili sin, personbevis na engleskom jeziku koji potvrđuje rodbinsku vezu.
- Formular prijave za hadž i kopiju pasoša, kao i potvrdu o uplati akontacije u visini od 10 000 SEK treba dostaviti glavnom imamu najkasnije do 10. juna 2015. na adresu: BIF Box 8120 200 41 Malmö

Cijena ovogodišnjeg hadža je 41 000 SEK.

U cijenu je uključeno sljedeće:

- Povratna karta Göteborg-Amman-Jeddah
- Smještaj (polupansion) u Saudijskoj Arabiji
- Putni čekovi u Saudijskoj Arabiji
- Ihram (za muškarce)
- Dvije manje putne torbe, sedžada, priručnik za hadž i 5 litara zem-zema

(Uplate se vrše isključivo na Plus Giro račun broj: 73 88 14 – 3)

Podsjećamo da odlukom Ministarstva za hadž Saudijske Arabije, na hadž ne mogu putovati hadžije koji su hadž obavili u posljednjih 5 godina.

Džemat Helsingborg: Večer Kur'ana



U želji da se vjernička srca još više druže sa Kur'anom i napajaju svoje duše i živote kur'anskim porukama, džemat Helsingborg je u subotu, 16. maja 2015. godine organizovao Večer Kur'ana, drugu zaredom u ovom džematu.

Dani odabranog mjeseca Redžeba te noći Lejletu-l-Miradža bili su dodatni povod i želja da ovaj program na najljepši način probudi vjernička srca i pripremi ih za doček mjeseca Kur'ana, za doček mubarek Ramazana.

Pun mesdžid te Večeri svjedočio je ljubav posjetilaca za slušanjem Kur'ana i poučnih savjeta koje je prisutnima

uputio hfvz. dr. Kenan Musić, profesor na Fakultetu islamskih nauka u Sarajevu. Ovo je bilo prvo gostovanje prof. Musića u ovom džematu, a njegove divne poruke i savjeti, sigurno, nisu ostavili nikoga ravnodušnim. Posjetitelji programa vratile su se svojim kućama obogaćeni brojnim plemenitim porukama koje im mogu biti uputa, spas i svjetlo u njihovim životima.

Pored prof. dr. Kenana Musića gost Večeri bio je i glavni imam Islamske zajednice Bošnjaka u Švedskoj Idriz ef. Karaman, koji je ovom prilikom čestitao Džematu na organizaciji ovog programa. Ovom programu prisitvovao je i Nermin ef. Babić, glavni imam Islamske zajednice Bošnjaka u Danskoj. Gosti učači koji su prisutne počastili odlomcima iz Kur'ana bili su Hasan ef. Jašarević, Benjamin ef. Dučić i Alen ef. Delić.

Poseban trenutak večeri bila je i promocija novih devet učača Kur'ana, kojima je Nezir ef. Špodić imam džemata Helsingborg, uručio diplome i skromne poklone.

Odrasli učači Kur'ana proučili su hatmu pred imamom pa je ovo bila jedinstvena prilika u kojoj su se i njima uručili prigodni pokloni.

Program je uljepšao i nastup polaznika mektebske nastave koji su se predstavili prisutnima učenjem Kur'ana, ilahija i recitalom.

Nakon sadržajnog programa nastavljeno je druženje u Džematu uz bogatu sofru koju su pripremile vrijedne džemaljike.

Džemat Štokholm: SST odobrio pomoć za vakuf



Odlukom državne organizacije koja se brine o raspodjeli vladine pomoći vjerskim organizacijama (SST - Nämnd för statlig stöd till trosamfund), u mjesecu maju, dobili smo radosnu vijest gdje nas obavještavaju da je donesena pozitivna odluka na zahtjev našeg Upravnog odbora o dodjeli pomoći kod kupovine vakufa na adresi Frodevägen 8. u Štokholmu. Nakon što smo napravili zahtjev i ispoštovali rok 31. marta, do kada se mogao podnijeti zahtjev za ovu godinu, evo krajem maja dobijamo odluku da je odobreno 2 miliona kruna za naš vakufske projekat. Karakter ovih sredstava je takav da Zajednica dobija ovu pomoć bespovratno. Imaju se sredstva utrošiti na sami objekat, njegovu dogradnju ili restauraciju. Džemat ima obavezu da od termina dobijanja ovih sredstava u ovom objektu boravi deset godina, i da onda nakon tog perioda nema obaveze povrata sredstava Državi. U slučaju napuštanja ili prodaje objekta nakon pet godina džemat bi imao obavezu vratiti 50% sredstava ili procentualno za ono vrijeme koje fali do deset godina. Ova sredstva će biti na našem vakufskom kontu i bit će korištena nakon što Upravni odbor i Odbor za rekonstrukciju osmisle i završe projekat dogradnje, obnove ili već šta bude odobreno od nadležnih vlasti.

Izletom obilježena završnica mektebske nastave u džematu Helsingborg

U nedjelju, 24. maja 2015. godine upriličen je izlet za polaznike mektebske nastave u džematu Helsingborg.

Druženje djece i roditelja, roštilj, dječja zabava kroz različite vrste igara te podjela diploma učenicima mekteba, bili su sadržaji ovog sunčanog nedjeljnog dana na izletištu na Ättekulli.

I ove godine mektebska nastava u džematu Helsingborg održavala se u tri punkta: Helsingborg, Åstorp i Ängelholm. U ovoj godini bilo je upisano ukupno 72 polaznika. U svom obraćanju Nezir ef. čestitao je djeci i roditeljima na trudu i postignutim rezultatima u vjerskoj pouci, a svi zajednički su obećali raditi na, ako Bog da, još boljim rezultatima u budućnosti.

Nezir Špiodić



U Trelleborgu otvoreno muslimansko mezarje

U petak, 29. maja 2015. godine Uprava groblja u gradu Trelleborg organizala je svečano otvaranje muslimanskog mezarja. Time je ostvaren san muslimana ovog grada da dobiju vlastitu parcelu gdje će sahranjivati svoje najdraže. Ova parcela nalazi se u sklopu gradskog groblja, ali je zasebna i ima poseban ulaz.

Čast da otvari ovo mezarje pripala je glavnom imamu Islamske zajednice Bošnjaka u Švedskoj Idriz-ef. Karamanu.

U svom prigodnom obraćanju glavni imam je zahvalio gradskim vlastima na odluci da dodijele ovu parcelu, te rukovodstvu Bošnjačke islamske zajednice u Trelleborgu, koje je strpljivo i mudro vodilo ragovore sa odgovornim u Komuni.



K.I.

Džemat Štokholm: Program povodom noći Lejle-i-mi'radža

U subotu 16.05./27.redžeb u 19:30 h u našoj džamiji povodom Mi'radža i Dana vakifa u lijepoj atmosferi mektebskih glasova ilahija i kasida, učenja miradžskog mevluda te prigodnih predavanja proteklo je ovo druženje naših džematlja. Merzuk ef. je na početku podsjetio na obavezu namaza koji je na Miradžu propisan da se 5 puta dnevno obavlja, kao i na važnost da tu obavezu prenesemo svojoj i našoj djeci. Mustafa ef. je na kraju istakao vrijednost uvakufljenja i vakifa kako naših džematskih tako i općenito. Posebnu vrijednost ovom skupu dalo je prisustvo mektebskog hora kojeg je džemat na kraju skromnim hedijama nagradio i stimulisao.

Druženje je završeno akšam namazom.

Broj potpisanih Pristupnica u džematima IZBUŠ			
	31-10-14	15-04-17	15-05-15
Malmö	1285	1342	1350
Stockholm	1013	1071	1076
Borås	659	672	676
Skövde	471	499	504
Göteborg	519	566	573
Gislaved	416	416	417
Norrköping	451	484	495
Helsingborg	373	387	394
Landskrona	340	365	371
Trollhättan	277	290	290
Växjö	286	279	268
Linköping	235	261	263
Halmstad	170	175	179
Trelleborg	183	223	223
Jönköping	207	232	231
Motala	132	135	142
Örebro	141	150	149
Surte	64	76	78
Västerås	30	34	34
Vetlanda	13	18	18
Värnamo	7	10	11
Varberg	13	13	13
Karlstad	0	13	13



Proljetni susreti BKC-a sa mr. hfz. Sulejman ef. Bugarijem



U okviru svojih redovnih aktivnosti Bosanski kulturni centar Zapadne Švedske je u periodu od 21.-24. maja organizirao proljetne aktivnosti i susrete. Ujedno je ovo bila prilika da se obilježi 10 godina postojanja i uspješnog rada ove organizacije. Naš gost je bio mr. hfz. Sulejman ef. Bugari. Aktivnosti su planirane na način da je hafiz Bugari gostovao u svih pet naših džemata, počevši sa džuma namazom u džematu Borås. Kroz svoju hubu hafiz Sulejman je govorio o značaju džemata i sedmičnog okupljanja vjernika petkom, te prisutne podsjetio na važnost i značaj hutbe. U petak navečer održano je predavanje u džematu Surte.

Subota 22. maja je bila rezervisana za predavanja i okupljanja naših džematlija prvo u Göteborgu a potom u džematu u Skövde. Veliko interesovanje je popratilo ove aktivnosti, prvenstveno zbog načina na koji hafiz Bugari razumijeva, tumači te drugima prenosi vrijednosti naše vjere.

24. maja u džematu Trollhättan organizovan je susret svih pet džemata. Lijepa slika je bila vidjeti naše džematlije kako se susreću, i kako jedni među drugima šire mir i dobro, a to je upravo jedan od razloga postojanja BKC. Približiti i uvezati naše ljude omogućiti im da se sretnu i druže je nešto što nam je danas izuzetno potrebno. Nakon podne namaza i ručka uslijedio je program koga su osmislili naši domaćini. Program se sastojao od učenja Kur' ana, te ilahija koje su izveli horovi džemata Trollhättan i Borås.

Poslije obraćanja Dede Cerića predsjednika džemata Trollhättan i Smaje ef. Šahata predsjednika BKC prisutnim se obratio i hafiz Sulejman Bugari. U svom obraćanju, našim džematlijama je prenio važne savjete kako biti iskren i otvoren prema sebi i drugima, te na koji način živjeti islam u svoj njegovoj punini u vremenu i prostoru gdje živimo.

Na kraju su uručene diplome najuspješnijim polaznicima mektebske nastave džemata Trollhättan.

Dovimo Allahu da nas pomogne na putu činjenja dobra i učvrsti naše korake stazama Njegovog tadowljstva. „*Jedni drugima pomažite u dobročinstvu i čestitosti, a ne sudjelujte u grijehu i neprijateljstvu.*“ (Kur' an)

Elvedin Bešlija

Bosanski kulturni centar - BKC

Osnivačka skupština Bosanskog kulturnog centra Zapadne Švedske (BKC), održana je u Göteborgu, 11 decembra 2005. godine. Učešće na osnivačkoj skupštini uzeli su predstavnici 5 džemata Zapadne Švedske; Borås, Göteborg, Skövde, Surte i Trollhättan. Prvi izabrani članovi odbora BKC bili su: Hasret Bronja, Emir Vižlin, Muharem Idrizović, Mirza Babović i Ismet ef. Čišija.

Osnovna zadaća ovog centra je regulisana Statutom BKC, a to je, zajedničko organiziranje svih obrazovnih i kulturnih aktivnosti koje su u skladu sa Statutom njenih članica i u skladu sa planom i programom istih. U startu se moglo primjetiti da je ovaj vid uvezivanja džemata, rad na zajedničkim projektima, od izuzetne važnosti za sve članove BKC, za sve članove pomenutih zajednica. Ciljano, Odbor BKC je ugostio Hafiza, Sulejman ef. Bugarija na svečani 10-godišnji jubilej, a opet u sklopu završnih ispita mektebske nastave, jer su djeca i omladina osovina oko koje se sve aktivnosti organizuju.



Program povodom završetka mektebske nastave i obilježavanja Isra i mi'radža u džematu Borås



Povodom obilježavanja završetka mektebske nastave i Isra i Mi' radža Islamska zajednica Bošnjaka Borås je u subotu 16. maja 2015. godine organizovala program u protorijama džemata. U znaku Poslanikovog putovanja kojim ga je počastio Uzvišeni Allah i mektebska godina je jedno putovanje kojim nas Allah također časti a koje se evo približilo svom kraju. Veliku čast i obavezu pružili su nam roditelji koji su nam dali svoju djecu na povjerenje kako bismo uz Božiju pomoć zajedno

došli do cilja, a to je lijepo odgojen inasn. Upravo to je pretpostavka za bilo kakav daljnji uspjeh. Jer odgojena generacija je garant našeg uspjeha kako na ovome tako i na onome svijetu ako Bog da.

Raduje nas prisustvo velikog broja djece i njihovih roditelja ali i džematlja koji su došli da podrže naše najmlađe i daju im još veći stimulans na ovom plemenitom putu. Program se sastojao od učenja Kur' ana, ilahija te prigodnih recitacija koje su izvodili članovi našeg džematskog hora i učenici mektebske nastave.

Zadovoljstvo nam je bilo ugostiti i glavnog imama Islamske zajednice Bošnjaka u Švedskoj Idriza ef. Karamana. U svom obraćanju prisutnima je prenio neiscrpne poruke Isra i Mi' radža, te čestitao djeci na uspješno završenoj mektebskoj nastavi. Na kraju programa uručene su diplome i slatki paketići za naše vrijedne polaznike mektebske nastave.

U cilju druženja djece i roditelja sedmicu dana ranije 9. maja organizovan je mektebski izlet u Skene. U prelijepom ambijentu uz igru, druženje i roštilj proveli smo jedan dan zajedno. Neka Allah Dragi dadne iz obilja Svoga svim onim koji su na bilo kakav način uzeli učešća u realizaciji ovogodišnje mektebske nastave.

Podsjećamo roditelje i djecu da nas ako Bog da mektebske klupe željno iščekuju u spetembru mjesecu. A onda na novo putovanje...

Elvedin ef. Bešlija

U Malmeu obilježen Dan bijelih traka i genocid u Srebrenici



31. maja 1992. godine vlasti bosanskih Srba u Prijedoru su naredile nesrpskom stanovništvu da se označi bijelim trakama.

Time je otpočeo zločin stravičnih razmjera u kojem je do kraja rata ubijeno i nestalo 3 176 Prijedorčana, uglavnom civila.

U znak sjećanja na ova stradanja, Bošnjačka islamska zajednica je organizirala veliku manifestaciju. Manifestacija je održana na Trgu Gustava Adolfa, a prisustvovao je veliki broj građana porijeklom iz Bosne i Hercegovine, ali i Švedske.

Pored predsjednika džemata Montasera Eneima, skupu su se obratili predstavnici antirasističke organizacije EXPO, te odnedavno član EU Parlamenta Jasenko Selimović.

Govornici su podsjetili na stradanja Bošnjaka na teritoriji cijele BiH, a posebno na genocid u Srebrenici, naglasivši kako borba protiv okrutnog fašizma nije završena.

U svom veoma emotivnom govoru Jasenko Selimović pozvao je prisutne da prenose istinu o stradanju u proteklom ratu, ali i da razmišljaju i rade za budućnost. U tom smislu, potrebno je da svi zajedno radimo kao bi naša Domovina što prije postala čalnica EU.

Posjetiocima manifestacije članovi džemata dijelili su bosanski lokum, a bila je i postavljena izložba slika o stradanjima u agresiji na BiH.

Inače, obilježavanje Dana bijelih traka pokrenula je inicijativa "Jer me se tiče" iz Prijedora, a cilj im je ostvarivanje ljudskih prava i sloboda za sve, bez obzira na etničku pripadnost, kao i borba za prava civilnih žrtava na sjećanje, komemoracije i memorijale. Traže da se u Prijedoru podigne spomenik za 102 ubijene djece. Peticija za izgradnju spomenika je predana prošle godine, međutim, Gradska skupština u Prijedoru se nije izjasnila o tome.

K.I.



**Never forget Srebrenica Genocide
11 JULY 1995**

Džemat Trollhättan: Svečanim programom završena mektebska godina



U nedjelju, 31.05.2015. god. u prostorijama džemata Trollhättan svečano su uručene diplome i paketići svim polaznicima mektebske nastave.

U svom kratkom obraćanju, imam džemata Tariq ef. Buza, naglasio je važnost uključenosti roditelja u proces vjerskog obrazovanja najmlađih polaznika, ustrajnost roditelja prilikom svakodnevnog dovođenja djece na mektebsku pouku ali i rad roditelja sa djecom kući.

Druženje je proteklo uz slogan: "Onaj ko bude uradio koliko trun dobra vidjet će ga." (Ez-Zelzele , 7). Džemat Trollhättan je u ovoj mektebskoj godini 2014/2015. imao upisane 65 djece na 3 punkta. Nastava se izvodila u Vänersborgu, Trollhättanu i Uddevalli. U ovoj godini smo dobili i 4 nova učača Kur'ana kao i 9 polaznika koji su savladali prvi stepen i uspješno položili završni ispit pred svojim roditeljima. Nadamo se da ćemo u budućnosti ako Bog da imati još više uspješnih polaznika mektebske nastave.

Kada je jedna osoba bolesna i kada se nađe u bolnici:

- može biti pogođena žalošcu.
- može se osjećati uznemireno.
- može se osjećati usamljeno i napušteno.
- može se osjećati bespomoćno.
- može imati poteškoća da svoja osjećanja iskaže svojim najbližim i osoblju u bolnici.

U takvoj situaciji javljaju se slijedeća pitanja:

- Imaju li se sa kim podijeliti ova osjećanja?
- Ima li neko ko će razumjeti moju tugu i bol?
- Ima li neko ko ima sabura da me sluša?
- Ima li neko da samnom popriča?

Bolesnici muslimani koji žele da ih posjeti imam imaju slijedeće mogućnosti:

- Da ih posjeti imam koji govori njihov maternji jezik;
- Da ih posjeti imam koji pripada njihovoj kulturi i tradiciji

KÄNNER DU TILL
DEN ANDLIGA VÅRDEN
PÅ SJUKHUS FÖR
MUSLIMER?

MUSLIMSKSJUKHUSKOORDINATOR.SE

Džemat Štokholm: Dan bijelih traka

Dan bijelih traka, 31. maj, kroz prezentaciju kratkih video projekcija o Prijedoru i historijskom času koje je održao Merzuk ef., inače i sam svjedok dešavanja 31.maja 1992., dosta-janstveno je obilježen i u Bosanskoj Islamskoj zajednici Stockholm. Poruka ovakvih skupova jeste da se takva zla, poput zločina nad Bošnjacima i ostalim nesrpskim stanovništvom Prijedora, nikome i nikada ne ponove.



Dimenziije prijedorskog zločina:

- . 3.176 ubijenih i nestalih stanovnika Prijedora
- . (evidentirano u Knjizi nestalih opštine Prijedor "Ni krivi, ni dužni", koju je priredilo Udruženje Prijedorčanki "Izvor")
- . 32 muškarca, 3 žene i po 1 dijete u prosjeku su dnevno ubijani u tri mjeseca, od kraja maja do kraja avgusta 1992.
- . 102 ubijene djece
- . 258 ubijenih žena
- . Veliđ Softić, najmlađe ubijeno dijete - beba od tri mjeseca (posmrtni ostaci još nisu pronađeni)
- . Zlata Krkić, najstarija žrtva - starica ubijena u 95. godini (posmrtni ostaci još nisu pronađeni)
- . 807 tijela Prijedorčana ni 20 godina nakon rata još nije identificirano
- . 27.000 ljudi prošlo je kroz prijedorske logore (broj utvrđen na osnovu činjenica iz sudskih presuda). Neki su tu samo prenoćili i konvojem otišli dalje u progonstvo, a neki u agoniji proveli i po 70 dana pa ih poslije još držali na Manjači ili u bijeljinskom logoru Batković
- . 458 ljudi ubijeno ili nestalo u Omarskoj
- . 362 zatočenika ubijena u Keratermu
- . 38 ratnih zločinaca pravosnažno osuđeno
- . 2.000 neposrednih izvršilaca, naredbodavaca ili saučesnika u ratnom zločinu izbjegava hapšenje pune dvije decenije

Džemat Halmstad: Svečanim programom obilježena mubarek noć i završetak mektebske godine

U subotu, 16. maja 2015.god., Džemat u Halmstadu organizovao je prigodan program povodom mubarek noći Lejletu-l-mi'radža i svečanog završetka mektebske godine. Program je organizovan u saradnji sa dva bosanska kluba iz Halmstada, Aktivitetscentar i Sedef.

Mevludski program uz ilahije izvele su članice džematskog hora „Zem-zem“, a prigodnim predavanjem prisutnima se obratio imam Džemata Halmstad, Almedin ef. Spahić.



Proteklu školsku –mektebsku godinu u Halmstadu je pohađalo pedeset sedmero polaznika. A u periodu od marta do maja 2015.god. u džematu je 13 polaznika uspješno naučilo arapsko pismo, te počeli da uvežavaju čitanje Kur'ana. Prema odluci džematskog odbora u periodu od marta do maja svim polaznicima je oglašeno takmičenje da polože treću grupu u mektebu i nauče arapsko pismo, obećana nagrada je bila jednodnevni izlet i odlazak u Geteborg i posjeta Lisebergu.

Od 57 polaznika uspješno do cilja stiglo je 13 polaznika. Izlet i odlazak u Liseberg je organizovan 09.05. za najuspješnije polaznike.

Kao što je to i običaj iz proteklih godina i ove godine je za polaznike organizovan mektebski izlet 16.maja, gdje su manja djeca imala priliku družiti se u BusFabrikenu a veća djeca su posjetila Laserdome.

Svečana podjela diploma je nastupila nakon izvođenja mevludskog dijela programa.

Nakon pauze i dove koju je proučio imam džemata Almedin ef., nastupili su također i novoosnovani dječiji folklor iz Halmstada koji djeluje pri bosanskom klubu Aktivitetscentar. Koji je ovim putem imao i svoj prvi uspješno održani nastup. Nakon nastupa folklora, druženje je nastavljeno uz kahvu i kolače koje su i ovaj put pripremile vrijedne domaćice iz Halmstada.



SADEKATU-L-FITR (VITRE)

Sadekatu-l-fitr se daje u Ramazanu a zekat se može dati u toku cijele godine. Zekat i sadekatu-l-fitr su dva različita materijalna davanja.

Zekat je stroga obaveza ili farz za svakog imućnijeg muslimana, dok je sadekatu-l-fitr (vitre) vadžib i daje se samo u toku Ramazana kako bi se tom sadakom očistio post od neprimjereno govora i da bi se nahranili siromasi.

Rekao je Muhamed a.s.: "Sadekatu-l-fitr se daje kako bi se njime očistio postač od neprimjereno govora, nedostataka i da bi se nahranili siromasi." (Ebu Davud i Ibn-Madže)

U drugom hadisu se kaže: "Post lebdi između nebesa i zemlje i neće biti primljen kod Allaha dž.š. Sve dok se ne podjeli sadekatu-l-fitr (vitre)."

Vadžib je svakom imućnom muslimanu, kojem preko potreba njegove porodice pretekne jedan sa'a (pregršt) hrane za jedan dan i noć, dati bajramsku sadaku ili sadaku za završetak posta, zvani sadekatu-l-fitr (vitre). Čovjek će dati za sebe i svoju malodobnu djecu.

Islamska zajednica ukuplja sadekatu-l-fitr u fond "Bejtu'l-mal" dolje navedeni iznos nisaba i sve što kojeg dalje distribuira medresama, je preko toga, bila u vlasništvu islamskim fakultetima, Bošnjačkoj čovjeku tokom čitave hidžretske gimnaziji, siromasima, povratnicima, godine, na nju (imovinu) se daje porodicama šehida, socijalno zekat i to 2,5%.

ugroženim osobama i porodicama te stipendiranju učenika i studenata.

Kada je imovina u visini nisaba, dolje navedeni iznos nisaba i sve što je preko toga, bila u vlasništvu islamskim fakultetima, Bošnjačkoj čovjeku tokom čitave hidžretske gimnaziji, siromasima, povratnicima, godine, na nju (imovinu) se daje porodicama šehida, socijalno zekat i to 2,5%.

Nisab za ša'ban, ramazan i ševval 1435.h.g. iznosi 3.211,00 € ili 30.500 kr.

ZEKAT

4. Redoslijed postupaka prilikom obračuna zekata:

1. Zekat je četvrti islamski šart i neupitna obaveza, svakog punoljetnog, umno zdravog, slobodnog muslimana čija imovina dostiže ili prelazi vrijednost nisaba.

"Uzmi od dobara njihovih zekata da ih njime očistiš i blagoslovljenim učiniš... neophodno je uraditi slijedeće:

" (Et-Tevbe, 103)

Obračunavanje zekata vrši se po tačno određenim pravilima, propisanim posebno za svaku od više vrsta imovine koja podliježe davanju zekata. Prilikom obračuna zekata neophodno je uraditi slijedeće:

- Odrediti datum obračuna

2. Uvjeti za obaveznost davanja zekata:

- biti musliman;
- posjedovati puno vlasništvo (u dunjalučkom smislu) nad imovinom iz koje se izdvaja zekat;
- biti umno zdrav i sloboden;
- posjedovati imovinu u vrijednosti nisaba;
- imovina koja podliježe obavezi zekata je imovina koja ima stvarni ili prepostavljeni rast vrijednosti.

Datum obračuna će se odrediti na osnovu datuma kada smo stekli imovinu u vrijednosti nisaba, sačekat ćemo godinu dana i na taj datum slijedeće godine obračunati zekat na zekatibilnu imovinu, ukoliko ona i dalje dostiže ili prelazi vrijednost nisaba.

Ovo pravilo se ne odnosi na davanjanje zekata na poljoprivredne proizvode, rude, minerale i dobivene rente za iznajmljivanje nekretnina na koje se zekat obračunava i daje odmah nakon ubiranja, vađenja i dobitljanja dobiti od toga.

- Odrediti koja je to zekatibilna imovina u našem vlasništvu i razdvojiti je u odgovarajuće grupe

- Definirati troškove koji se oduzimaju prilikom obračuna zekata

3. Nisab

Nisab je određena vrijednost ili količina imovine koju fizičko lice (pojedinac) ili pravno lice (firma) treba posjedovati tokom godinu dana da bi podlijegali obavezi zekata.

Nisab podrazumjeva vrijednost ili količinu imovine koja prelazi osnovne životne potrebe, kao što su: hrana, odjeća, kuća, stan, prijevozno sredstvo i osnovna sredstva za poslovanje.

- Odrediti osnovu za obračun zekata ◆ Novac (nisab 3.211,00 € ili 30.500 kr)
 - Definirati u čije ime se obračunava i daje zekat ◆ Pozajmice, državne obveznice, vrijednosni papiri, dionice, primanja (nisab 3.211,00 € ili 30.500 kr)
 - a) Pojedinac (fizičko lice) ◆ Nekretnine
 - b) Partnerstvo ◆ Zekat na trgovačku robu i poslovanje
 - c) Investicijske kompanije ◆ Minerali i rude
 - d) U slučaju udruživanja rada, ideja, pameti i kapitala ◆ Poljoprivredni proizvodi
 - ◆ Stoka
- 5. Imovina na koju se obračunava zekat:**
- ◆ Zlato (nisab 91,6 grama)
 - ◆ Srebro (nisab 641,5 grama)

Više informacija o zekatu, obračunavanju zekata (zekat kalkulator), druga pojašnjenja možete naći na:

www.zekat.ba

Preporučujemo našim džematlijama da sadekatu-l-fitr, a posebno zekat, uplaćuju u svom džematu u Švedskoj.

Ukoliko se, pak, odluče da sadekatu-l-fitr uplate u Domovini, trebaju voditi računa da to bude po cijeni u Švedskoj.

Cijena ovogodišnjeg sadekatu-l-fitra je 100 švedskih kruna po osobi.

Za više informacija možete se obratiti lokalnom džematu, imamu ili sekretaru IZBUŠ-a.

